

Shovdirov Toxirmalik Nafasovich

ToshDShI “Xorijiy mamlakatlar

iqtisodiyoti” kafedrasи o’qituvchisi

Sharipov Quvondiq Baxtiyorovich

TDIU “Iqtisodiyot nazariyasi” kafedrasи

katta o’qituvchisi

ISHCHI KUCHI MIGRATSİYASINING MAMLAKAT MILLİY IQTISODIYOTIGA TA’SIR ETİSH OMILLARI

Annotatsiya. Ushbu maqolada jahon xo’jaligi tizimida xalqaro ishchi kuchi migratsiyasidagi zamonaviy tendensiyalar qisqacha tahlil etilib, unda O’zbekistonning xalqaro mehnat bozoriga integratsiyashuvi va ishchi kuchi migratsiyasining milliy iqtisodiyotga ta’siri hamda xalqaro tajribalar borasida qisqacha taklif va tavsiyalar berilgan.

Tayanch so’zlar: migratsiya, migrantsion qoldiq, global migratsiya, immigratsiya, emigratsiya, “aqlning oqib o’tishi”,

Аннотация. В данной статье дается краткий обзор тенденций международной трудовой миграции, влияние миграции на развитие национальной экономики, а также даны краткие предложения и рекомендации по интеграции Узбекистана на международный рынок труда.

Ключевые слова: миграция, миграционные риски, глобальная миграция, иммиграция, эмиграция, «утечка умов».

Abstract. This article gives a brief overview of international labor migration trends in the global economy, the impact of migration on the development of the national economy, as well as provides brief recommendations on integration of Uzbekistan into the international labor market.

Key words: migration, migration rest, global migration, recipient, immigration, emigration, intelligence.

KIRISH

Globallashuv sharoitida xalqaro mehnat migratsiyasi mehnat bozorining ajralmas bir qismiga aylanib bormoqda. Hozirda jahon iqtisodiyotining transformatsiyalashuvi sharoitida migratsiyaning yuqori darajadagi oqimi ma'lum bir hududdan boshqa bir mamlakat tomon yo'naltirilmoqda. Ishchi kuchi migratsiyasi donor mamlakatlar va ishchi kuchini qabul qilayotgan retsepiyent mamlakatlarga bir vaqtning o'zida ijobiy afzalliklarni ta'minlash bilan birga, ma'lum bir salbiy muammolarni ham keltirib chiqarmoqda. Mamlakatimiz so'nggi o'n yillikda xalqaro mehnat migratsiyasi jarayonlariga u yoki bu darajada ishtirok etib kelmoqda, mamlakatimizda aholi farovonligini ta'minlash, hayot faoliyatini yaxshilash hamda mamlakatimiz hududlarida ish o'rinalarini tashkil etish borasida qator vazifalar amalga oshirilib kelinmoqda, bunday manzilli dasturlar sifati va ko'laming yanada oshirilishi mamlakatimizning bosh vazifalaridan biri hisoblanadi. Jahon iqtisodiyotida globallashuv jarayonlari chuqurlashib borayotgan bugungi kunda jahon xo'jaligining sifat jihatdan yangi bosqichga ko'tarilganligi bilan xarakterlanadi, iqtisodiyotning globalashuvi ko'p soha-tarmoqlarni qamrab olganligi sababli mehnat bozorida katta o'zgarishlar yuz bermoqda va shu sababdan ishchi kuchi migratsiyasi jarayonlari yangicha namoyon bo'lmoqda, shu boisdan ham bu muammoni tadqiq qilish muhim va dolzarb ahamiyatga ega.

Mamlakatimiz Prezidenti Sh. M. Mirziyoyev ta'kidlaganlaridek “Mamlakatimizda yangi ish o'rinalini barpo etish hamda qishloq hududlarida uy-joy qurish va ijtimoiy infratuzilmani rivojlantirishni jadallashtirish dasturi zamirida juda katta ulkan hajmdagi ishlar mujassam ekanini, u o'n minglab yangi ish o'rinalini yaratish, ana shu bunyodkorlik ishlarida mamlakatimiz aholisining faol ishtirokini ta'minlash imkonini berishni unutmaslik kerak. Biz mazkur dasturni amalga oshirish vazifasini o'z oldimizga qo'yar ekanmiz, bu bilan mamlakatimiz uchun dolzarb bo'lgan aholi bandligini ta'minlash, shu tariqa odamlarning daromadini yanada oshirish va hayot sifatini yuksaltirish masalalarini hal etishni ko'zda tutamiz”¹.

¹ Mirziyoyev Sh. M. Tanqidiy tahlil, qa'tiy tartib-intizom va shaxsiy javobgarlik – har bir rahbar faoliyatining kundalik qoidasi bo'lishi kerak. – T.: O'zbekiston, 2017. – B.27.

Globallashuv sharoitida xalqaro mehnat migratsiyasi iqtisodiyotning muhim tarmoqlariga aylanib bormoqda bu dunyo hamjamiyati oldiga bir qator muammolarni dolzarb masala sifatida qo‘ymoqda. Bu muammolar inson huquqlariga qaratilgan bo‘lib; odam savdosi, ijtimoiy muammolar, ish haqi, munosib mehnat, o‘z mutaxassislik sohasi bilan shug‘ullana olmaslik, kabi muammolarning yildan-yilga – oshib borish holatlariga olib kelmoqda. Bugungi kunda ayrim mamlakatlar davlatlararo migratsiyaga oid bir necha qonun-qoidalar va kelishuv bitimlarini imzolashgan Bunday kelishuvlar albatta mehnat migrantlarining ijtimoiy-iqtisodiy va huquqiy ehtiyojlari qondirilib ishchilarda erkinlik holatlari yuzaga kelish bilan birga mamlakat iqtisodiyotiga sezilarli ta’sir o‘tqazadi. Ayni paytda mehnat migratsiyasi jarayonlarining tobora avj olib borayotganligiga qaramasdan dunyoning aksariyat mamlakatlarida migrantlarning qonuniylik makoni hali ishlab chiqilmaganligi yoki chegaralanganicha qolib ketayotganligi jahon hamjamiyatining bu muammoni qisqa vaqtlar bilan hal etish lozimligini ko‘rsatadi. Mehnat migratsiyasini samarali ravishda tartibga solinmaganligi oqibatida, aksariyat holatlarda mehnat migrantlarning huquq va erkinliklarining ta’minlanmasligiga hamda noqonuniy migratsiya, odam savdosi va shu kabi noxush holatlarning yuzaga kelishiga sabab bo‘lmoqda.


Tahlil va natijalar

Jahon xo’jaligining rivojlanishi sharoitida bugungi global muammolardan biri, bu ishsizlik va migratsiya masalasi hisoblanadi. Jahon mehnat bozorining rivojlanishi va shakllanishi masalasiga e’tibor qaratadigan bo’lsak, bu borada “Jahon mehnat bozori”, “Global mehnat bozori”, “Xalqaro mehnat bozori” kabi tushunchalarning nazariy asosiga e’tibor qaratish, ularning nihoyatda global tus olganligi va ishchi kuchi migratsiyasini hozirda ijtimoiy-iqtisodiy, huquqiy jihatlarini o’rganish nihoyatda dolzarb ahamiyatga ega.

Global migratsiya ishchi kuchi bozorining yuzaga kelishi sabablarini iqtisodiy va siyosiy asosda ko’rish mumkin Iqtisodchi olimlar hozirda ishchi kuchi migrantlariga

“o’ziga xos tovar” sifatida qarash lozim deb hisoblaydi. Hozirgi kunga kelib xalqaro ishchi kuchi bozorida yuz berayotgan iqtisodiy tanglik bois, planetamizning aksariyat aholisi ishsizlik oqibatlarini boshdan kechirmoqda.

Zamonaviy transport va raqamli texnologiyalarning rivojlanib borishi odamlarning ma’lum bir chegara bo’yicha harakatlanishiga turtki bo’lmoqda. Hozirgi paytda mehnatga layoqotli ishchi kuchi migrantlarning umumiyligi soni 314 mln, kishini tashkil etib, bu esa dunyo aholisining 3,4 foizi xorijiy mamlakatlarda mehnat qilayotganligini ko’rsatadi. Xalqaro migrantlarning soni 1970 yildagiga qaraganda uch barobardan ortiqdir. (1-rasm)



1-rasm. Xalqaro muhojirlar soni dinamikasi (qochoqlar bilan qo’shib hisoblaganda) (2017 y)²

Jahon iqtisodiyoti tizimida migratsiya bilan bog’liq murakkab tendensiyalar yuzaga kelmoqda, dunyo bo’yicha ma’lum bir ishchining bir chegaradan, ikkinchi chegaraga bo’ylab migratsiya harakati ikki xil asosga ko’ra yuz bermoqda. Birinchisi iqtisodiy sabablarga ko’ra, mamlakat aholisi o’z xohishiga ko’ra daromadi yuqoriroq bo’lgan, xorijiy mamlakatlardan ish qidiradi, ikkinchisi esa siyosiy sabablarga ko’ra ya’ni mamlakatda notinchlik holatlari, urushlarning olib borilishi, yoki etnogenez sabablarga ko’ra yuz bermoqda. 2009-2010 yy. Shimoliy Afrikada yuz bergen “arab bahori” voqealarining yuz berishi natijasida ko’plab mehnatga layoqatli arab yoshlarining G’arbiy yevropa yoki ayrim Yaqin Sharq mamlakatlariga oqib borishi, yoki ayni paytda Venusueladagi iqtisodiy inqirozlar siyosiy tus olib minglab, Venusuela fuqorolarini mamlakatni tashlab qo’shni mintaqalarga chiqib ketayotganligini e’tirof etishimiz mumkin, yoki AQShdagi vaziyatni kuzatadigan bo’lsak, Prezident Tramp siyosatiga asosan Meksikadan AQShga kirib keluvchi

² Global Employment Trends for Youth 2018. International Labour Organization. – Geneva: First published, 2018.– P. 63.

mehnat muhojirlariga qarshi devor tiklash va ular oqimiga chek qo'yish ishlari Meksika iqtisodiyotiga sezilarli ravishda o'z ta'sirini ko'rsatmoqda, Oxirgi o'n yillikda siyosiy sabablarga ko'ra migrantlar oqimining kuchayib borishi, xalqaro ekspert mutaxassislar oldida turgan hal qilishi lozim bo'lgan, jiddiy masalalardan biridir. Ishchi kuchining bir hududdan, ikkinchi mamlakat tomon oqib o'tishi har ikki tomon uchun birdek foydali hisoblanadi. Arzon ishchi kuchini qabul qiluvchi sanoat jihatdan taraqqiy etgan mamlakatlar byudjetida moliyaviy mablag'larni tejab qolish imkonи tug'ilmoqda, shuningdek xorijdan kelayotgan ishchilar bilan bir paytning o'zida yuqori malakali migrantlarning kelishini kuzatishimiz mumkin. Bunday mamlakatlar guruhiga AQSh, Germaniya, Fors ko'rfazi mamlakatlari, Singapur, Lyuksemburg kabi mamlakatlarda xorijiy ishchilarning iqtisodiyotdagi ulushi yuqorilab bormoqda, ammo chet ellik muhojirlarni arzon narxlarga ishlatishning salbiy tomonlari ham mavjud, sababi hozirgi paytda Rossiya Federatsiyasi, G'arbiy yevropa kabi mamlakatlarda tug'ilish darajasining pasayib borishi yoki Fors ko'rfazi mintaqasida esa, mahalliy aholining ko'plab og'ir mehnatlarni talab etuvchi ishlarda ishlamasligini hisobga olsak, bu davlatlarda xorijiy ishchilarga nisbatan bog'liqlik darajasi saqlanib qoladi, 2017 yilning yakunlariga ko'ra dunyo bo'yicha migrantlar tomonidan 613 milliard AQSh dollari miqdorida pul mablag'lari o'z vatanlariga jo'natildi. Bu turdagи mablag'larning to'g'ridan-to'g'ri kirib kelishi donor mamlakatlar aholisining bir qator ijtimoiy-iqtisodiy muammolarini hal etmoqda. Hozirgi paytda jahon migratsiya jarayonlari tizimida murakkab vaziyat yuzaga kelmoqda sababi 2017 yilning yakunlariga ko'ra iqtisodiy va siyosiy sabablarga ko'ra, 68,5 milliondan ortiq kishi bir hududdan, ikkinchi hududga ko'chib o'tgan, shu jumladan 25,4 millioni qochqinlar, 3,1 millioni ishsiz ayni paytda xorijda hech qanday sohada ishlamayotgan va yangi ish joyini kutayotgan fuqoralar va 40 millioni boshpanasiz fuqoralar hisoblanadi.

Hozirda ishchi kuchining eng katta oqimini beshta hudud misolida ko'rishimiz mumkin bular, AQSh, Yevropa, Rossiya, Fors ko'rfazi mamlakatlari va Turkiya tomon yo'naltirilmoqda. O'zbekiston respublikasi ham ishchi kuchini eksport qiluvchi kichik donor mamlakatlardan biri hisoblanadi. O'zbekiston ishchi kuchini faol ravishda ekport qiluvchi va aholi soni tez o'sib borayotgan mamlakatlardan hisoblanadi. Hozirda mamlakatimiz aholisi 33 million kishiga yetdi, tug'ilish ko'rsatgichi 1,7 % ni tashkil etadi. Mamlakatimizning mehnatga layoqatli aksariyat ishsiz aholisi asosan Rossiya Federatsiyasi, Qozog'iston, Janubiy Koreya, Fors ko'rfazi mamlakatlari, AQSh va Turkiya Respublikasi kabi mamlakatlarda ko'pchilikni tashkil etmoqda. Migratsiya saldosi minus 20,6 ming kishini tashkil etadi. Birgina Rossiya Federatsiyasida 1,8 milliondan ortiq ishchi migrantlarimiz mehnat qilmoqda, Ulardan mamlakatimizga kelayotgan pul tushumlari 2,2 mlrd. AQSh dollarini tashkil etmoqda. Hozirgi paytda yuqori tajribaga ega bo'limgan mamlakatimiz migratsiyasini tartibga solish uchun xorijiy tajriba nihoyatda zarurdir.

O’zbekistonda migratsiya jarayonlarini tartibga solishda Turkiya tajribasini o’rganish maqsadga muvofiqdir deb hisoblaymiz, Turkiya hozirda o’zining iqtisodiy salohiyati bilan nafaqat Yaqin sharqda, balki barcha musulmon va turkiy mamlakatlari olamida iqtisodiy salohiyati eng yuqori bo’lgan mamlakatdir. Hozirda Turkiya Respublikasi o’zining iqtisodiy nufuzi bo’yicha dunyoning 16-inchi, mamlakati hisoblanadi, O’zbekiston Respublikasi va Turkiya hamkorligi oxirgi yillarda sezilarli ravishda o’sib, Turkiya bizning tashqi savdomizda muhim to’rtinchi mamlakatga aylandi. Turkiya va O’zbekiston Respublikasi o’rtasidagi tashqi savdoning umumiy aylanmasi 2171,8 million AQSh dollarini tashkil etib, O’zbekistonning hamkor mamlakatlari orasida Turkiya 6,4 % ulushga ega, Turkiya Respublikasi 1950 yillardan boshlab ishchi kuchini faol ravishda eksport qilgan mamlakatlardandir. Turkiyalik migratsiya bo’yicha tadqiqotchi Ali Berkelning fikriga ko’ra, Turkiyada migratsiya jarayonlari 50 yillik vaqt oralig’ida, uch bosqichli evolutsion davrni bosib o’tdi.

Dastlab Turkiyada ichki migratsiya rivojlanib, asta-sekinlik bilan turk fuqoralari Yevropa mamlakatlari tomon harakat qildi. Natijada bir paytlar past malakali ishchi kuchi migrantlariga ega bo’lgan Turkiya endilikda yuqori malakali ishchi kuchi migrantlari, xorij va mahalliy bozorda firma, qurulish shirkatlari va yirik kompaniyalarga asos sola oldi. Hozirda Turkiya Respublikasi bir paytning o’zida ham ishchi kuchini eksport va import qiluvchi mamlakat hisoblanadi.

Turkiya mutaxassislari xalqaro mehnat bozorida ishchi kuchi migratsiyasini tartibga keltirishda katta tajriba va bilimga ega hisoblanadi. Ular o’zining turk fuqoralarini xorijda samarali mehnat qilishiga huquqiy va ijtimoiy jihatdan qulay shart-sharoitlarni yaratib bera olgan kam sonli mamlakatlardandir.

Shu boisdan ham xalqaro mehnat bozorida faol bo’lgan, O’zbekiston ishchi kuchi bozorini tartibga keltirish hamda ular faoliyatini bir tizimga solishda Turkiya tajribasini o’rganish maqsadga muvofiq, Turkiya yuqorida aytganimizdek mehnat migrantlaridan unumli foydalangan va ular tomonidan jo’natilgan kapitallarni eng samarali yo’llar bilan mamlakat milliy iqtisodiyotiga tadbiq qilgan mamlakatdir. Ularning tajribalarini quyidagilarda ko’rish mumkin;

- xorijda yashovchi turk fuqoralarining o’z oilalari bilan birga yashashlari va farzandlarining majburiy ravishda ta’lim olishlarini ta’minlash va ularni ijtimoiy himoyalash ishlarni olib bordi va natijada xorijda bilim salohiyatini oshirgan turk fuqoralari o’z orttirgan tajribalarini mamlakatga tadbiq qila oldi;
- mehnat migrantlarining o’z vatanlariga qaytib kelishlariga ko’maklashishda xalqaro logistika va aeroport viza masalalari bilan bog’liq barcha ishlarda mamlakat qulay imkoniyatlarni yaratib bera oldi;
- xorijdagi turk diasporalari bilan muntazam aloqalarini tiklashda muloqat maydonini yaratdi va natijada xorijdagi turk fuqoralari mamlakat qo’llab-quvvatlovi sababli yirik tadbirkorlar, turli kasb egalari va investorlarga aylana oldi, ushbu

investorlar xorijda orttirgan kapitallarini o’z mamlakatining milliy iqtisodiyotiga yirik miqdorda investitsiya qilmoqda;

- xorijdagi turk tadbirkorlarini qo’llab-quvvatlash natijasida Turkiya tovarlari brendini rivojlantira oldi;
- Turkiya fuqoralari xorijdan jo’natayotgan pul mablag’larini mamlakat milliy iqtisodiyotiga qayta investitsiyalash tizimini yo’lga qo’ydi;
- xorijda malaka oshirgan turk fuqoralaridan o’z mamlakatiga qaytib kelgach ularning xorijda orttirgan tajribalaridan samarali foydalanildi.

Mamlakatimizda ham mehnat bozorini tartibga solishda davlat darajasida jiddiy e’tibor qaratilmoqda mamlakatimiz prezidenti tomonidan bu sohaga e’tibor qaratilib bu bo’yicha 2018 yil 5-iyul kuni “O’zbekiston Respublikasining tashqi mehnat migratsiya tizimini yanada takomillashtirish bo’yicha qo’shimcha chora-tadbirlar to’g’risida”gi qonuni e’lon qilinib bu sohada mavjud kamchiliklar qaytadan ko’rib chiqildi. Ushbu hujjatga muvofiq mamlakat hukumati tomonidan xorijga ishga jo’natish va yollash tizimi faoliyatini yanada yaxshilash maqsadida O’zbekiston respublikasi bandlik va mehnat munosabatlari vazirligi tashqi mehnat migratsiyasi masalalari agentligi bilan hamkorlikda ish olib boruvchi O’zbekiston fuqorolarini xorijga ishga jo’natish va yollash bo’yicha ishlarni amalga oshiruvchi maxsus firma va tashkilotlar tuzish bo’yicha ko’rsatmalar berildi. Ushbu ish topishga ko’maklashuvchi firma va tashkilotning zimmasida xorijga chiquvchi mehnatga layoqlatli aholiga usha qabul qiluvchi mamlakatning tili va ma’lum bir maxsus qonunlari o’rgatiladi ularni kasbga tayyorlash bo’yicha amaliy tavsiyalar berib boriladi. Bu kabi tashkilotlarning ishlashi xorijga ketuvchi ishchi migrantlarning mehnat huquqlari buzilishi va sog’lig’i bilan bog’liq bir qator ijtimoiy muammolarni hal etadi. Tabiiyki 2 millionga yaqin xorijga ketgan ishchi migrantlarga iqtisodiy-ijtimoiy va huquqiy yordam ko’rsatish birgina tashqi mehnat migratsiyasi masalalari agentligiga bir qator qiyinchiliklarni yuzaga keltirishi tabiiy agar raqamlarga e’tibor beradigan bo’lsak, 1996 yilda tashqi mehnat migratsiyasi masalalari agentligi tomonidan xorijiy davlatlar va kompaniyalari bilan hamkorlikda jami 13 ta shartnoma imzolangan bo’lsa, 2006 yilga kelib, bular soni 32 taga yetdi, 2012 yilda 62 shartnoma imzolanib, 2017 yilda esa bor yo’g’i 15 ta shartnomani tashkil etmoqda. mamlakatimizda xorijda mehnat qiluvchi fuqorlari soni agentlikning rasmiy stasitikasiga ko’ra, 2017 yilda 1,496 nafarni tashkil etmoqda ammo masalaning biz yana bir jihatiga e’tibor qaratishimiz lozim bu statistika asosan Rossiya Federatsiyasi, Janubiy Koreya, Polsha, Yaponiya va AQShda mehnat qilayotgan O’zbekiston fuqorolarining ma’lum qismi kiritilmoqda lekin masalaning ikkinchi tomoni shuki, bu yerda norasmiy ravishda bir qator mamlakatlarda mehnat qilayotgan ishchi migrantlarning aniq sonini aytish murakkab bo’lib qolmoqda, ana shunday holatlarda yuqorida aytib o’tganimizdek, tashqi bozorda fuqoralarning mehnat qilishiga ko’maklashuvchi tashkilotlarning ish olib borishi ijtimoiy-iqtisodiy jihatdan

samarali hisoblanadi. Bunday ish topishga ko’maklashuvchi tashkilot va firmalarning yuzaga kelishi yuqorida ta’kidlab o’tilgan bir qator ijtimoiy-iqtisodiy muammolarni hal e’tishiga yordam beradi.

1-jadval

O’zbekiston Respublikasining xorijiy mamlakatlarda mehnat qilgan aholi soni dinamikasi

	2007	2008	2009	2010	2011	2012	2013	2014	2015	2016	2017
O’zbekistonning xorijda ishlovchi migrantlarning umumiy soni	4,00	3,353	2,026	5,612	3,589	4,851	3,589	3,371	3,103	2,753	1,496
Umumiy aholiga nisbatan % da	1,1	14,8	5,6	15,5	9,9	13,4	9,9	9,3	8,6	7,6	4,1

Manba: www.migration.uz

1-jadval ma’lumotlaridan shunday xulosalarga kelishimiz mumkinki, O’zbekiston Respublikasi oxirgi o’n yillikda xorijga eksport qilgan ishchi kuchi migrantlari 2007 yilda 1,1 mln kishi xorijiy mamlakatlarda mehnat qilib, bu ko’rsatgich O’zbekiston jami aholisining 1,1 % ini tashkil etadi. Xalqaro mehnat tashkilotining ustaviga asosan agar mamlakatning mehnatga layoqatli 1 foiz aholisi agar mamlakatdan tashqarida mehnat qilsa u holda ishchi kuchini eksport qiluvchi donor mamlakat hisoblanadi, 2008 yilda 3,353 ming kishi xorijda mehnat qilgan bo’lsa, bu ko’rsatgich umumiy aholisining 14,8 % ini tashkil etib bir yilda bu ko’rsatgich 13 barobarga oshgan, tabiiyki bunday o’sish mamlakatimizga xorijda mehnat qilayotgan ishchilardan kelayotgan pul o’tqazmalariga ham o’z ta’sirini o’tqazgan. Ishchi migrantlarning eng katta oqimi 2010 yilda ro’y bergan, ushbu yilda jami 5,612 mln kishi xorijda mehnat qilgan bo’lib, bu umumiy aholimizning 15,5 foizini tashkil etib, bu ko’rsatgich 2017 yilga kelib, kamayish tendensiyasiga ega ushbu yilda jami aholining 1,496 ming kishi umumiy aholining 4,1 % i, xorijiy mamlakatlarda mehnat qilmoqda. Bunday tendensyaning (2010 yil) yuzaga kelishi mamlakat milliy iqtisodiyotiga ijobiy holatlar bilan birga mamlakatda bir qator ijtimoiy, demografik muammolarni ham yuzaga keltiradi, sababi umumiy aholining 15,5 foizi mamlakat tashqarisida mehnat qilishi har qanday mamlakat milliy iqtisodiyoti uchun salbiy holatdir. Xalqaro mehnat tashkilotining bayonotlariga ko’ra O’zbekiston 2025 yilga borib ham, mehnatga layoqatli ishchi migrantlarni faol ravishda eksport qiluvchi davlatlar qatorida saqlanib qoladi. Mamlakatda mavjud ishsizlik masalalari hal etilmas ekan, mamlakat oldida turgan asosiy vazifalardan biri bu xorijda mehnat qilayotgan migrantlarni ijtimoiy, huquqiy jihatdan qo’llab-quvvatlash zarurligini ko’rsatadi.

Jahon xo’jalik amaliyotida to’plangan tajribalardan respublikamizning ijtimoiy-iqtisodiy rivojlanish xususiyatlarini hisobga olgan holda foydalanish O’zbekiston bozor munosabatlariga o’tish modelining ustuvor yo’nalishlaridan hisoblanadi. Xususan, Turkiya Respublikasi migratsiya jarayonlarini davlat tomonidan tartibga

solist bo‘yicha qator ijobjiy tajribaga ega bo‘lib, mazkur tajribani O‘zbekistonda qo‘llash tashqi iqtisodiy faoliyat samaradorligini oshirishda muhim rol o‘ynashi mumkin.

Turkiya Respublikasi migratsiya jarayonlarini davlat tomonidan tartibga solish tajribasidan foydalanishda ushbu mamlakat va O‘zbekiston ijtimoiy-iqtisodiy rivojlanishidagi umumiy jihatlar muhim o‘rin tutadi. Ma’lumki, O‘zbekiston ham, Turkiya kabi mehnat resurslariga boy mamlakatlar hisoblanadi. Ayni vaqtda mazkur mamlakatlarda aholi tabiiy o‘sish sur’atlarining yuqoriligi har yili minglab yangi ish o‘rinlarini yaratishni talab etadi. Biroq ichki investitsiyalar yetarli bo‘lmagan sharoitda ushbu masalani hal etish ancha mushkul bo‘lib, ishchi kuchini eksport qilish orqali birinchidan, bandlik muammosini qisman hal etish, ikkinchidan, xorijda ishlayotgan fuqarolar tomonidan o‘tkaziladigan pul o‘tkazmalari hisobiga tashqi savdo balansini yaxshilash, uchinchidan, kishilar turmush farovonligini oshirish imkoniyati paydo bo‘ladi.

Bu sohada Turkiya tajribasi e’tiborga molik bo‘lib, mamlakat valyuta tushumlarining katta qismi aynan xorijda ishlayotgan turkiyaliklar pul o‘tkazmalari hisobiga shakllanadi. Shuni alohida ta’kidlash lozimki, Turkiyada ishchi kuchi eksportini amalga oshirishning qonuniy asoslari yaratilgan. Turkiya qonunchiligiga muvofiq, fuqarolarning xorijga borib ishlashlari uchun qulay shart-sharoitlar yaratilgan va har bir fuqaro mamlakatdan tashqarida mehnat faoliyati bilan shug‘ullanish, ish izlash va ishga joylashish huquqiga ega. Ishchi kuchi eksporti bilan odatda davlat va xususiy korxonalar shug‘ullanadi. Ushbu korxonalarning asosiy vazifasi ishchilarni potensial xaridorlar bilan tanishtirish va ularning huquqlarini himoya qilishdan iborat.

O‘zbekiston Respublikasida ishchi kuchi eksportining Turkiya tajribasini qo‘llash, bir tomondan, mehnat resurslaridan foydalanish samaradorligining oshishiga, ikkinchi tomondan, tashqi iqtisodiy faoliyat tarkibining takomillashuviga ijobjiy ta’sir ko‘rsatadi. Bunday amaliyotni qo‘llash uchun respublikamizda real shart-sharoitlar mavjud bo‘lsa-da, ulardan foydalanish talab darajasida emas. Mamlakatimizda ishchi kuchi eksportini amalga oshirish uchun tashkiliy-huquqiy masalalarning etarli darajada yo‘lga qo‘yilmaganligi, mehnat migratsiyasi bo‘yicha potensial hamkor-mamlakatlar to‘g‘risidagi ma’lumotlarning kam o‘rganilganligi mavjud imkoniyatlardan to‘liq foydalanishga salbiy ta’sir ko‘rsatmoqda. Shu munosabat bilan ishchi kuchi eksportini amalga oshirishning tashkiliy-huquqiy jihatlarini takomillashtirish, mehnat resurslari migratsiyasi bo‘yicha potensial hamkor mamlakatlar mehnat bozorini o‘rganish bugungi kundagi dolzarb muammolardan hisoblanadi.

Ishchi kuchi eksporti bo‘yicha Turkiya va boshqa mamlakatlar tajribalarini tadqiq etish natijalari shuni ko‘rsatadiki, ishchi kuchi eksporti siyosatining asosiy vazifalari quyidagilardan iborat bo‘lishi lozim:

- xorijda mehnat faoliyatini olib borayotgan ishchilar huquqlari va manfaatlarini himoya qilish;
- ishchi kuchi eksportiga yo‘naltirilgan dasturlarni amalga oshirishda umum davlat manfaatlariga rioya qilish;
- ishchi kuchi eksporti oqimini mamlakatning ijtimoiy-demografik va iqtisodiy holati va rivojlanishi, tabiiy-iqtisodiy hamda ekologik sharoitlarini hisobga olgan holda tartibga solish;
- xorijga ishslash uchun ketayotgan fuqarolar va uning oilalarini ijtimoiy himoyalash;
- ishchi kuchi eksporti siyosatini xalqaro standartlar va milliy qonunchilik tamoyillari bilan uyg‘unlashtirish va h.k.

Shuni alohida ta’kidlash lozimki, ishchi kuchi eksportini davlat tomonidan tartibga solish ma’muriy-buyruqbozlik va ta’qiqlash tadbirlariga asoslanmasligi lozim. Bunday usulning maqsadga muvofiq emasligini jahon amaliyoti va yaqin o’tmish tajribamiz yaqqol ko’rsatdi.

Ishchi kuchi migrantlari va davlat o’rtasida boshqaruv hamkorlik shaffof mexanizmi amalga oshirilishi kerak, xorijiy davlatlarga chiqib ketayotgan vatandoshlarimizga nisbatan quyidagi shart-sharoitlar yaratib berilishi lozim deb hisoblaymiz:

- O‘zbekiston fuqoralari ko‘pchilikni tashkil etgan mamlakat hududlarida migratsiya ishlariga oid turli agentliklar va firmalar ochish orqali xorijdagi ishchilarimiz bilan bevosita hamkorlikni olib borish, ular faoliyatini huquqiy jihatdan takomillashtirish zarur;
- xorijdagi ishchi migrantlarimizning oylik ish haqlarini qayta investitsiyalash tizimini ishlab chiqish;
- chet –eldagi vatandoshlarimizning savodxonlik ya’ni til bilish darjasini va u mamlakatda mavjud qonunlardan yetarlicha xabardor qilish va qayta o’qitish tizimini takomillashtirish kerak;
- O‘zbekiston fuqoralarining xorijda ishlab topayotgan pul mablag‘larini bir qismini, xususiy yoki davlat sektoridagi ishlab chiqarish su’yektlariga jalb etish natijasida, xorijdan qaytib kelgach esa o‘zi investitsiya kiritgan su’byektda ishslash imkoniyoti yuzaga keladi;
- Janubiy Koreya tajribasi kabi mamlakatimizning xorijdagi fuqoralari usha davlatdan turib jamg‘arib boriladigan pensiya tizimiga pul mablag‘larini yig‘ib borishi maqsadga muvofiq, natijada esa kelajakda qarilik hayotini sug‘ortalash imkoniyoti yuzaga keladi;
- Tashqi mehnat masalalari agentligi, Tashqi ishlar vazirligi, Ichki ishlar vazirligi, Davlat bojxona qo‘mitasi, O‘zbekiston havo yo’llari milliy aviakompaniyasi va xorijiy mamlakatlar faoliyatiga bog‘liq bo‘lgan migratsiya tashkilotlari va firmalari

o‘rtasida korporativ hamkorlik olib borish va mutassadi tashkilotlar mamlakatimizdan chiqib ketayotgan fuqoralarining ma’lumotlarini ochiq-oshkora tarzda yuritishi maqsadga muvofiq;

- yurtimiz fuqoralarining huquqiy savodxonligini oshirish maqsadida ozi ketayotgan mamlakati haqida ayrim ma’lumotlarga ega bo‘lishi, qonunlaridan qisman bo‘lsada xabardor bo‘lishi, o‘zbekistonda mavjud yuqorida sanab o‘tgan tashkilotlarimiz mutaxassislari tomonidan xorijga jo‘nab ketayotgan fuqoramizga usha davlat haqida qisqacha ma’lumot beruvchi brashuralarning chop etilishi, e’lon va shunga o‘xhash ma’lumotlarning taqdim etilishi ahamiyatlidir;

-har qanday xorijga ketuvchi vatandoshimizga viza berish tartibida uning maqsadliligi, aniqlanishi zarur, sababi hozirda xorijga ketuvchi noqonuniy migrantlarimiz turist sifatida ketayotganini ma’lum qilishadi va mamlakatdan chiqib ketib yillar davomida yurtimizga qaytib kelmaydi, natijada mehnat bozorida faol malakali mutaxassislarning chiqib ketishi oldi olinadi;

- chet-elga ketayotgan mamlakatimiz ishchilari haqida usha ketayotgan manzildagi elchixona xodimlari, migratsiya agentliklari xabardor bo‘lishi maqsadga muvofiq sababi, yuzaga keladigan har qanday ijtimoiy-iqtisodiy muammolarga duch kelgan yurtimiz fuqoralariga usha yerdagi mutassadi tashkilotlar tomonidan yaqindan ko‘mak berish ishlari amalga oshiriladi va hakazo.

Yuqoridagi tajribalarni umumlashtirgan xolda quyidagicha xulosalarga kelishimiz mumkin. Yosh aholiga ega bo’lgan, O’zbekiston respublikasi hozirda xorijdagi vatandoshlaridan kelayotgan pul kapitallarni mamlakat milliy iqtisodiyotiga qayta investtsiya qilish va ulardan samarali foydalanish mexanizmlarida mamlakatimizning xorijda mehnat qilayotgan vatandoshlarimizni qayta o’qitish ular malakasini oshirish, ularni ijtimoiy-iqtisodiy qo’llab-quvvatlashda. O’zbekistonning Turkiya kabi yuqori salohiyatli mamlakatning tajriblari va bosib o’tgan yo’llari nihoyatda zaruriy ahamiyatga ega.

O’zbekiston xalqaro migratsiya aloqalarining istiqbolda yanada rivojlantirishdan manfaatdor. Mamlakat iqtisodiyotida tarkibiy o’zgarishlarni amalga oshirish, tashqi bozorlarda mahsulotlar raqobatbardoshligini yuksaltirish xalqaro hamkorlikni mustahkamlaydi va xalqaro mehnat migatsiyasining faollashuviga olib keladi.

FOYDALANILGAN ADABIYOTLAR RO'YXATI

1. O'zbekiston respublikasi prezidentining “O'zbekiston Respublikasining tashqi mehnat migratsiya tizimini yanada takomillashtirish bo'yicha qo'shimcha chora-tadbirlar to'g'risida”gi qonuni
2. Bauer, T. & Zimmermann, K. Integrating the East: The Labor Market Effects of Immigration / American Institute for Contemporary German Studies, 1995. Papers 5. – P.32-43
3. World Migration Report. Migrants and Cities: New Partnerships to Manage Mobility. – Geneva, Switzerland, 2014-2017.
4. Global Employment Trends for Youth 2015 Scaling up investments in decent jobs for youth international labour office. – Geneva, 2017 Jim Kreyn. – P. 145-149
5. Steven Wright Rudenko, G. G. Ijevsk, J. M. Borjas, T. N. Bauer, K. U. Zimmermann. 2014. – P. 124-126
6. www.IMO.org – Xalqaro mehnat tashkilotining rasmiy sayti